



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/02-05-18645-11/19  
Sarajevo, 31.05.2019. godine

**SKUPŠTINA KANTONA SARAJEVO**  
n/r Elmedin Konaković, predsjedavajući Skupštine Kantona Sarajevo  
-ovdje-

**PREDMET: *Odgovor na zastupničko pitanje - dostavlja se***

Poštovani,

**Zastupnik** u Skupštini Kantona Sarajevo **Mirza Čelik** na osmoj radnoj sjednici Skupštine Kantona Sarajevo održanoj dana 14.05.2019. godine u okviru tačke dnevnog reda „Poslanička pitanja, inicijative i odgovori”, postavio je zastupničko pitanje:

„Na osnovu informacija iz Ministarstva molim da mi odgovorite kako je na mjesto pomoćnika za predškolsko, osnovno i inkluzivno obrazovanje, u Ministarstvu za obrazovanje, nauku i mlade Kantona Sarajevo, ministrica angažovala osobu koja je već bila pomoćnik u Ministarstvu za obrazovanje, nauku i mlade Kantona Sarajevo, a da za iste poslove nije ispunjavala uslove, jer nije imala ni jedan dan radnog staža, gdje je direktno kršen Zakon o državnoj službi Federacije Bosne i Hercegovine i Pravilnik o unutrašnjoj organizaciji Ministarstva. Sada, iako je prekršen navedeni zakon, ista osoba je nagrađena i ponovno imenovana na poziciju pomoćnika ministra. Osim navedenog postoje informacije da je ista u rodbinskim vezama sa ministricom Bogunić, gdje se opet radi o nepotizmu i zloupotrebi službenog položaja.”

**Odgovor:**

Zastupnik Mirza Čelik je iznio informacije koji ne odgovaraju činjeničnom stanju.

U decembru 2018. godine dotadašnja pomoćnica ministra za predškolski, osnovni odgoj i obrazovanje i inkluzivno obrazovanje u Sektoru za predškolski, osnovni odgoj i obrazovanje i inkluzivno obrazovanje je imenovana na poziciju direktora Prosvjetno-pedagoškog zavoda. Stoga se u Ministarstvu se ukazala potreba za popunu upražnjenog radnog mjesta pomoćnika ministra za predškolski, osnovni odgoj i obrazovanje i inkluzivno obrazovanje u Sektoru za predškolski,



osnovni odgoj i obrazovanje i inkluzivno obrazovanje. Na osnovu uslova za obavljanje poslova pomoćnika ministra za predškolski, osnovni odgoj i obrazovanje i inkluzivno obrazovanje propisanih Pravilnikom o unutrašnjoj organizaciji Ministarstva za obrazovanje, nauku i mlade Kantona Sarajevo broj: 11/01-02-8113/16 od 12.01.2017. godine, broj: 11/01-02-8113-1/16 od 23.03.2017. godine i broj: 11/01-02-8113-2/16 od 10.10.2017. godine (*stečena diploma visokog obrazovanja odnosno druge obrazovne kvalifikacije najmanje VII stepena stručne spreme, odnosno visoko obrazovanje Bolonjskog sistema studiranja prvog ciklusa koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja završen fakultet društvenih, humanističkih ili prirodnih nauka, najmanje pet godina radnog staža u struci, položen stručni ispit, obavezno poznavanje rada na računaru*), a u skladu sa članom 30. st. (3) i (4) Zakona o državnoj službi u Kantonu Sarajevo („Službene novine Kantona Sarajevo“, broj 31/16), donijela sam odluku da na radno to mjesto interno premjestim osobu koja ispunjava uslove propisane navedenim Pravilnikom.

Nakon proslijeđenog zahtjeva za izradu rješenja o internom premještanju, uvidom u dosje pomenute državne službenice, utvrđeno je da je završila Pravni fakultet, ispunjava uslove za radni staž, ima položen stručni ispit i dokaz o poznavanju rada na računaru, sve onako kako je propisano važećim Pravilnikom o unutrašnjoj organizaciji Ministarstva za obrazovanje, nauku i mlade Kantona Sarajevo.

Takođe je utvrđeno da je imenovana postavljena na neodređeno vrijeme na radno mjesto pomoćnika ministra u Ministarstvu za obrazovanje, nauku i mlade Kantona Sarajevo, a po provedenom javnom konkursu u skladu sa čl. 29. i 30. Zakona o državnoj službi u Federaciji BiH i pribavljenom pozitivnom Mišljenju Agencije za državnu službu Federacije BiH, broj: 06-34-8-390-3/12 od 30.10.2012. godine i u skladu sa Pravilnikom o unutrašnjoj organizaciji Ministarstva za obrazovanje i nauku Kantona Sarajevo, broj: 11-02-29319/11 od 14.11.2011. godine i Pravilnikom o izmjenama i dopunama Pravilnika o unutrašnjoj organizaciji Ministarstva za obrazovanje, nauku i mlade Kantona Sarajevo, broj: 11-01-02-3754/12 od 07.03.2012. godine, tako da u konkretnom slučaju nije prekršen Zakon niti Pravilnik o unutrašnjoj organizaciji Ministarstva za obrazovanje i nauku Kantona Sarajevo kako je to informisan zastupnik Mirza Čelik.

Ostale informacije koje je dobio zastupnika Mirza Čelik nema potrebe komentarisati jer iste ne odgovaraju činjeničnom stanju.

S poštovanjem,



**Dostaviti:**

1. Naslovu;
2. a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

